



07183

序

儒者不可以不知兵固也兵法之要世謂七書盡之
予以爲不然七書中太公六韜爲先而識者或以爲
僞書次若孫子十三篇吳子六篇確有可據矣乃皆
在左氏春秋傳後則左氏固兵法之祖也左氏喜談
兵敘兵事往往委曲詳盡使人如見其形勢計謀故
其爲文不得不然亦以兵事詭秘如所謂軍志者世
不必有傳書其傳者皆名將之所志疆場臨時之所
用故具書之以告後人是又安見孫吳所言非卽據

青照堂叢書

序

一

左氏諸所述者以爲藍本乎今觀春秋二百餘年其
爲將多矣其紀戰亦不少矣戰言兵不必戰而亦言
兵於兵事何一不備卽孫吳之所言何一不該孫吳
所言空言也左氏所言驗之於事者也後人之善用
兵者皆知其出於孫吳烏知其實出於左氏試畧舉
而言之兵貴用奇奇莫如田單火牛孫吳未嘗明言
也左氏之燧象則先之矣奇莫如宗轂畫獅狄青銅
面孫吳未嘗顯示也左氏之蒙馬則先之矣項羽救
趙軍鉅鹿諸侯莫敢仰視而其所以勝者不外孫子

所謂兵勢吳子所謂勵士然曹劌之論戰則無不該也卽其沉舟破釜猶塞井夷竈之法也匈奴困漢高於白登一時智畧英雄盡從之而不能不墮其計中冒頓之用兵疑出漢朝君臣上然道不出孫子虛實吳子應變兩篇而實則本楚子之羸師也卽高祖所以解圍猶射糜顧獻之意也孫子校之以計而索其情吳子衍之爲料敵子元之料陳伯比之料隨皆是矣智罃三分四軍之謀漢高用之以撓楚齊桓遠結江黃之計孔明用之以圖魏其小者李光弼殺賊於將飯一邨垂之敗戎人白孝德取將於橫流一平中之獲觀虎若以陣法言近世名將戚少保稱最矣其鴛鴦陣固自鸚鵡魚麗出其方陣亦自左拒右拒來耳至如越王使罪人三行屬劍於頸衝吳陣其故若畝思之而不可解不知正以其不可解者爲神奇此雖孫吳猶有未能言後世猶有不盡用也夫用兵如爲文神明變化何有窮極善爲文者讀古人文章擲管操觚不襲古人之字句而自能爲至文善用兵者閱古人兵書運籌決勝不效古人之謀畫而自能爲

奇兵然使不讀古人文章不閱古人兵書必不可也
惟得之古人者深或不用古人而古人自爲我用或
用古人而使人不見古人之爲我用是正善用古人
之至者文與兵一也關壯繆岳武穆皆好讀左氏春
秋其生平用兵無一爲左氏之所有而無一非左氏
之所有運用之妙存乎一心武穆之言夫孰非左氏
之所未言而實諄諄言之者哉予讀左氏傳愛其文
章尤喜其言兵暇日因取其言兵者別錄爲帙加以
評點仿王文成之評七書間卽以七書印合之名曰

青照堂叢書

序

三

左氏兵法私以爲吾輩讀書縱不能如班定遠棄筆
視覓封侯萬里外而爲此寂寂使鄧禹笑人卽何妨
以草廬茅舍作軍門壁壘觀也天下不少同志之人
或有攜吾書以出應當世者亦未可知矣 桐閣學
人李元春

青照堂叢書

朝邑

劉照清 堂鏡 彙梓

侄維翰 宗校

左氏兵法

李元春 時齋評輯

受高筆煥 軒

上卷

隱五年

鄭人侵衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍

師子元軍

其後燕人畏鄭三軍而不虞制人六月鄭二公子以

制人敗燕師于北制君子曰不備不虞不可以師

此行兵大要左氏特揭于部首司馬法云國雖大好戰必亡天下雖安忘戰必危此尤當先知

北戎侵鄭鄭伯禦之患戎師曰彼徒我車懼其侵軼

我也公子突曰使勇而無剛者嘗寇而速去之君為

兵莫妙于伏在人善用之耳

青照堂叢書

次編

左氏兵法上

一

情知已知彼須垂知其

韓友一曰兵若腹背受敵未有不敗者也故輕進必躡失將當務持重耳

先○戰○五○日○發○我○達○候○往○視○其○動○靜○審○候○其○來○故○伏○三○覆○以○待○之○戎○輕○而○不○整○貪○而○無○親○勝○不○相○讓○敗○不○而○待○之○必○於○死○地○達○我○旌○旗○疏○我○行○陣○必○奔○其○前○相○救○先○者○見○獲○必○務○進○進○而○遇○覆○必○速○奔○後○者○不○救○則○無○繼○矣○乃○可○以○逞○從○之○戎○人○之○前○遇○覆○者○奔○祝○册○起○

極五年

逐之衷戎師前後擊之盡殪戎師大奔

王奪鄭伯政鄭伯不朝王以諸侯伐鄭鄭伯禦之王

為中軍虢公林父將右軍蔡人衛人屬焉周公黑肩

將左軍陳人屬焉鄭子元請為左拒以當蔡人衛人

為右拒以當陳人曰陳亂民莫有鬪心若先犯之必奔王卒顧之必亂蔡衛不枝固將先奔既而萃於王

總不外孫子校之以計而察其情之法

左平右拒魚麗鶻鷁
古人陣法可想而推

鍾伯敬曰季梁知兵
伯比高識又出季梁

之上

韓文一曰高岸見聞
子自登亦以冒頭匪
其壯士健馬耳贏師
誘敵主兵者所宜慎
也愚謂只此法惟深
謀者能用之亦惟深
謀者能窺之校之以
計而索其情彼此皆
嘗知亦存乎人爾矣

卒可以集事從之。曼伯為右拒。祭仲足為左拒。原繁
高渠彌以中軍奉公為魚麗之陳。先偏後伍。承彌
縫戰于繻葛。命二拒曰。旂動而鼓。蔡衛陳皆奔。王卒
亂。鄭師合以攻之。王卒大敗。祝聃射王中肩。王亦能
軍。祝聃請從之。公曰。君子不欲多上人。况敢陵天子
乎。苟自救也。社稷無隕多矣。夜鄭伯使祭足勞王。且
問左右。

楚武王侵隨。使薳章求成焉。軍於瑕以待之。隨人使
少師董成鬪。伯比言于楚子曰。吾不得志於漢東也。

我則使然。我張吾三軍而被吾甲兵。以武臨之。彼則
懼而協以謀我。故難間也。漢東之國隨為大。隨張必

棄小國。小國離楚之利也。少師侈請羸師以張之。熊
徹威也。國猶有人。尚不遠亡。然一小人在。丙未

率且比。比季梁在。何益鬪。伯比曰。以為後圖。少師得
其君。王毀軍而納少師。少師歸。請追楚師。隨侯將許

之。季梁止之曰。天方授楚楚之羸。其誘我也。君何急
焉。臣聞小之能敵大也。小道大淫。所謂道忠於民而

信於神也。上思利民。忠也。祝史正辭信也。今民餒而
君逞欲。祝史矯舉以祭。臣不知其可也。公曰。吾牲牲

存。君逞欲。祝史矯舉以祭。臣不知其可也。公曰。吾牲牲

青照堂叢書

次編

左氏兵法上

二

射。撥。子。所。謂。去。備。

射。撥。子。所。謂。去。備。

射。撥。子。所。謂。去。備。

射。撥。子。所。謂。去。備。

言道處得聖賢之旨其詳盡孫吳不能到惜乎隨侯終不用耳

韓友一曰楚之何隙在少師一人以少師之進退為我師之進退子龍驤云使孫皓悔過更用賢良則不可圖此之謂也不宜有又曰行兵者不宜有此為敵人所測又曰國家以人為存亡類如此

肥。臍。梁。盛。豐。備。何。則。不。信。對。曰。夫。民。神。之。主。也。是。以。聖。王。先。成。民。而。後。致。力。於。神。故。奉。牲。以。告。曰。博。碩。肥。腍。謂。民。力。之。普。存。也。謂。其。畜。之。碩。大。蕃。滋。也。謂。其。不。疾。癘。蠱。也。謂。其。備。腍。咸。有。也。奉。盛。以。告。曰。絜。粢。豐。盛。謂。其。三。時。不。害。而。民。和。年。豐。也。奉。酒。醴。以。告。曰。嘉。粟。旨。酒。謂。其。上。下。皆。有。嘉。德。而。無。違。心。也。所。謂。馨。香。無。讒。慝。也。故。務。其。三。時。修。其。五。教。親。其。九。族。以。致。其。禋。祀。於。是。乎。民。和。而。神。降。之。福。故。動。則。有。成。今。民。各。有。心。而。鬼。神。之。主。君。雖。獨。豐。其。何。福。之。有。君。姑。修。政。而。

青照堂叢書 次編 左氏兵法上

親。兄。弟。之。國。庶。免。於。難。隨。侯。懼。而。修。政。楚。不。敢。伐。隨。少。師。有。寵。楚。鬬。伯。比。曰。可。矣。讎。有。釁。不。可。失。也。夏。楚。子。合。諸。侯。于。沈。鹿。黃。隨。不。會。使。蘧。章。讓。黃。楚。子。伐。隨。軍。於。漢。淮。之。間。季。梁。請。下。之。弗。許。而。後。戰。所。以。怒。我。而。怠。寇。也。少。師。謂。隨。侯。曰。必。速。戰。不。然。將。失。楚。師。隨。侯。禦。之。望。楚。師。季。梁。曰。楚。人。上。左。君。必。左。無。與。王。遇。且。攻。其。右。右。無。長。馬。必。敗。偏。敗。衆。乃。攜。矣。少。師。曰。不。當。王。非。敵。也。弗。從。戰。于。速。柘。隨。師。敗。績。隨。侯。逸。鬬。丹。獲。其。戎。車。與。其。戎。右。少。師。秋。隨。及。楚。平。楚。子。將。不。

許鬪伯比曰天去其疾矣隨未可克也乃盟而還

九年巴子使韓服告于楚請與鄧為好楚子使道朔將巴

客以聘於鄧鄧南鄙鄧人攻而奪之幣殺道朔及巴

行人楚子使薳章讓于鄧鄧人弗受夏楚使鬪廉帥

師及巴師圍鄧鄧養甥甥帥師救鄧三逐巴師不

克鬪廉橫陳其師於巴師之中以戰而北鄧人逐之

背巴師而夾攻之鄧師大敗鄧人宵潰

楚屈瑕將盟貳軫鄧人軍於蒲騷將與隨絞州蓼伐

楚師莫敖患之鬪廉曰鄧人軍其郊必不誠且日虞

青照堂叢書 次編 左氏兵法上 四

四邑之至也君次於郊郢以禦四邑我以銳師宵加

於郢鄧有虞心而恃其城莫有鬪志若敗鄧師四邑

必離莫敖曰盍請濟師於王對曰師克在和在衆

商周之不敵君之所聞也成軍以出又何濟焉莫敖

曰卜之對曰卜以決疑不疑何卜遂敗鄧師於蒲騷

卒盟而還

十二年楚伐絞軍其南門莫敖屈瑕曰絞小而輕輕則寡謀

請無扞采樵者以誘之從之絞人獲三十人明日絞

人爭出驅楚役徒於山中楚人坐其北門而覆諸山

韓友一口鄧所恃者
鄧為之援也鄧敗則
鄧自散奪其所恃也

鍾伯敖曰春秋用兵
只講得明離合兩字

韓友一口莫敖於此
屢疑不決此實弱才
之短才短者器小器
小易盈故有羅之敗
按吳子用兵之害猶
豫為大三軍之災生
子狐疑此之謂也

意○在○夾○攻○須○看○他○誘○敵○作○陣○法○

十二年

十二年

○先○事○誘○敵○妙○

○設○伏○得○法○

○知○彼○

○亦○與○

韓友一曰爲將宜慎重
歷觀春秋戰爭未有不以驕敗以慎勝者也

下大敗之爲城下之盟而還伐紱之役楚師分涉於彭羅人欲伐之使伯嘉謀之三巡數之

楚屈瑕伐羅鬪伯比送之還謂其御曰莫敖必敗舉

趾高心不固矣遂見楚子曰必濟師楚子辭焉入告

夫人鄧曼鄧曼曰大夫其非衆之謂其謂君撫小民

以信訓諸司以德而威莫敖以刑也莫敖狃於蒲騷

之役將自用也必小羅君若不鎮撫其不設備乎夫

固謂君訓衆而好鎮撫之召諸司而勸之以令德見

莫敖而告諸天之不假易也不然夫豈不知楚師之

青照堂叢書 次編 左氏兵法上 五

盡行也楚子使賴人追之不及莫敖使徇於師曰諫

者有刑及鄢亂次以濟遂無次且不設備及羅羅與

盧戎兩軍之大敗之莫敖縊於荒谷羣帥囚于冶父

以聽刑楚子曰孤之罪也皆免之

夏及齊師戰于奚疆事也於是齊人侵魯疆疆吏來

告公曰疆場之事慎守其一而備其不虞姑盡所備

焉事至而戰又何謁焉

楚武王荆尸授師子焉以伐隨將齊入告夫人鄧曼

曰余心蕩鄧曼嘆曰王祿盡矣盈而蕩天之道也先

此公不畏齊之辭疆更之告自是

莊四年

後世主帥死軍中多
法此

君其知之矣。故臨武事將發大命而蕩王心焉。若師
徒無虧。王薨於行。國之福也。王遂行。卒於櫛木之下。
令尹鬬祈莫敖屈重。除道梁澆。營軍臨隨。隨人懼行。
成莫敖以王命入盟。隨侯且請為會於漢汭。而還濟。
漢而後發喪。

齊師伐我。公將戰。曹劌請見其鄉人曰。肉食者謀之。
又何間焉。劌曰。肉食者鄙。未能遠謀。乃入見。問何以
戰。公曰。衣食所安。弗敢專也。必以分人。對曰。小惠未
徧。民弗從也。公曰。犧牲玉帛。弗敢加也。必以信。對曰。

青照堂叢書 次編 左氏兵法上

六

小信未孚。神弗福也。公曰。小大之獄。雖不能察。必以
情對。曰。忠之屬也。可以一戰。戰則請從。公與之乘。戰

于長勺。公將鼓之。劌曰。未可。齊人三鼓。劌曰。可矣。齊
師敗績。公將馳之。劌曰。未可。下視其轍。登軾而望之。

曰。可矣。遂逐齊師。既克。公問其故。對曰。夫戰。勇氣也。
一鼓作氣。再而衰。三而竭。彼竭我盈。故克之。夫大國

難測也。懼有伏焉。吾視其轍亂。望其旗靡。故逐之。

齊師宋師次于郎。公子偃曰。宋師不整。可敗也。宋敗
齊。必還。請擊之。公弗許。自雩門竊出。蒙臯比而先犯。

柳元景曰。鼓繁氣易
衰。叫數力易竭。衝枚
疾戰。但聽吾鼓聲。當
與此參。

用兵往往節為神奇
所以助已之威。即以
傷人之魄。狄青且戴

銅面蒙馬不足異也
然須有面勇有成算
王莽設陣用虎豹獅
象固易破耳

韓友一曰小國勝大
國危道也蘇端明所
謂不勝則變速而禍
小勝則變遲而禍大
先和而造大事不如
此一語為簡明

○馬之先
之公從之大敗宋師于乘邱。齊師乃還。

宋為乘邱之役故侵我公。禦之宋師未陳而薄之。敗

諸郟。凡師敵未陳曰敗某師。皆陳曰戰。大崩曰敗績。

得雋曰克。覆而敗之曰取某師。京師敗曰王師敗績。

于某。

晉侯將伐虢。土蒞曰不可。虢公驕。若驟得勝於我。必

弃其民。無眾而後伐之。欲禦我誰與。夫禮樂慈愛戰

所畜也。夫民讓事樂和。愛親哀喪而後可用也。虢弗

畜也。亟戰將饑。

青照堂叢書 次編 左氏兵法上 七

楚令尹子元欲盡文夫人為館於其宮側而振萬焉。

夫人聞之泣曰先君以是舞也習戎備也今令尹不

尋諸仇讐而於未亡人之側不亦異乎。御人以告子

元子元曰婦人不忘襲讎我反忘之。秋子元以車六

百乘伐鄭入于桔柣之門。子元闚御疆鬪梧耿之不

比為旃鬪班王孫游王孫喜殿眾車入自純門及遠

市縣門不發楚言而出。子元曰鄭有人焉。諸侯救鄭

楚師夜遁。鄭人將奔桐邱。謀告曰楚幕有烏乃止。

晉侯之入也秦穆姬屬賈君焉且曰盡納羣公子晉

侯丞子賈君又不納羣公子是以穆姬怨之晉侯許
賂中大夫既而皆背之賂秦伯以河外列城五東盡
虢畧南及華山內及解梁城既而不與晉饑秦輸之
粟秦饑晉閉之糴故秦伯伐晉卜徒父筮之吉涉河
侯車敗詰之對曰乃大吉也三敗必獲晉君其卦遇
蠱曰千乘三去三去之餘獲其雄狐夫狐蠱必其君
也蠱之貞風也其悔山也歲云秋矣我落其實而取
其材所以克也實落材亡不敗何待三敗及韓晉侯
謂慶鄭曰寇深矣若之何對曰君實深之可若何公

青照堂叢書

次編

左氏兵法上

八

曰不孫卜右慶鄭吉弗使步揚御戎家僕徒爲右乘
小駟鄭入也慶鄭曰古者大事必乘其產生其水土
而知其人心安其教訓而服習其道惟所納之無不
如志今乘異產以從戎事及懼而變將與人易亂氣
狡憤陰血周作張脈僨興外彊中乾進退不可周旋
不能君必悔之弗聽九月晉侯逆秦師使韓簡視師
復曰師少於我鬪士倍我公曰何故對曰出因其資
入用其寵饑食其粟三施而無報是以來也今又擊
之我怠秦奮倍猶未也公曰一夫不可狃况國乎遂

北魏劉劭亦一度鄭
此輩言有可聽人正
須慎用

使請戰。曰：寡人不佞，能合其眾而不能離也。君若不還，無所逃命。秦伯使公孫枝對曰：君之未入，寡人懼之人而未定，列猶吾憂也。苟列定矣，敢不承命。韓簡退曰：吾幸而得囚，王戍戰于韓原，晉戎馬還澠而止。公號慶鄭，慶鄭曰：復諫違卜，固敗是求。又何逃焉？遂去之。梁由靡御韓簡，虢射爲右，輅秦伯將止之。鄭以救公，誤之。遂失秦伯。秦獲晉侯以歸。晉大夫反首拔舍從之。秦伯使辭焉，曰：二三子何其感也。寡人之從君而西也，亦晉之妖夢是踐，豈敢以至。晉大夫三拜。

青照堂叢書

次編 左氏兵法上

九

稽首曰：君履后土而戴皇天，皇天后土實聞君之言。羣臣敢在下風。穆姬聞晉侯將至，以太子營宏與女簡璧登臺而履薪焉，使以免服衰絰逆。且告曰：上天降災，使我兩君匪以玉帛相見，而以興戎。若晉君朝以入，則婢子夕以死；夕以入，則朝以死。惟君裁之。乃舍諸靈臺。大夫請以入，公曰：獲晉侯以厚歸也。旣而喪歸焉，用之大夫其何有焉？且晉人感憂以重我，天地以要我，不圖晉憂重其怒也。我食吾言，背天地也。重怒難任，背天不祥，必歸晉君。公子繫曰：不如殺之。

危亡之際，繫屬鼓舞，最見要事後世效。此若皆為權而得正，而肅宗靈武之立，尤有作用。

委梁言怒我而忘寇，此則固已而絕寇。

周家順天應人，未易可效。然人能自強，天所贊也。抑嘗莊子亦借此以勵人心耳。人心和天，心應矣。

無聚慝焉。子桑曰：歸之而質其太子，必得大成。晉未

可滅而殺其君，祇以成惡。且史佚有言曰：無始禍，無

怙亂，無重怒，重怒難任。陵人不祥，乃許晉平。晉侯使

卻乞告瑕呂飴甥，且召之。子金教之言曰：朝國人而

以君命賞，且告之曰：孤雖歸辱社稷矣。其卜貳圍也。

衆皆哭。晉于是乎作爰田。呂甥曰：君亡之不恤，而羣

臣是憂，惠之至也。將若君何？衆曰：何爲而可？對曰：征

繕以輔孺子，諸侯聞之，喪君有君，羣臣輯睦，甲兵益

多好。我者勸，惡我者懼，庶有益乎。衆說，晉於是乎作

青照堂叢書 次編 左氏兵法上 十

州兵

六年 邢人狄人伐衛，圍蒗圃。衛侯以國讓父兄子弟及朝

衆曰：苟能治之，燬請從焉。衆不可，而後師于訾。婁狄

師還。

梁伯益其國而不能實也。命曰新里，秦取之。

十九年 衛人伐邢，以報蒗圃之役。於是衛大旱，卜有事於山

川，不吉。甯莊子曰：昔周飢，克殷而年豐。今邢方無道，

諸侯無伯，天其或者欲使衛討邢乎？從之。師興而雨。

宋人圍曹，討不服也。子魚言於宋公曰：文王聞崇德

舞羽苗格不獨文王

亂而伐之軍三旬而不降退修教而復伐之因壘而
降詩云刑于寡妻至于兄弟以御于家邦今君德無
乃猶有所闕而以伐人若之何盍姑內省德乎無闕
而後動○大○本○

阿房未成而亂起可不戒哉

梁亡不書其主自取之也初梁伯好土功亟城而弗
處民罷而弗堪則曰某寇將至乃溝公宮曰秦將襲

我民懼而潰秦遂取梁○采○費○最○速○

邾人以須句故出師公卑邾不設備而禦之臧文仲

輕敵必敗

曰國無小不可易也無備雖眾不可恃也詩云戰戰

青照堂叢書次編左氏兵法上

十一

韓友一日宴侯尚乘

江水淺狹作浮橋董昭曰武皇知暑過人然未嘗輕人如此後尚幾不免故放無弱弱不可狎敵無寡寡不可狎

兢兢如臨深淵如履薄冰又曰敬之敬之天惟顯思
命不易哉先王之明德猶無不難也無不懼也況我
小國乎君其無謂邾小蠹蠱有毒而况國乎弗聽八
月丁未公及邾師戰於升陘我師敗績邾人獲公胄
縣諸魚門

楚人伐宋以救鄭公將戰大司馬固諫曰天之棄商
久矣君將興之弗可赦也已弗聽冬十一月己巳朔
宋公及楚人戰於泓宋人既成列楚人未既濟司馬
曰彼眾我寡及其未既濟也請擊之公曰不可既濟

半濟而擊從此得

仁義之師聖賢皆言
之如謂兵必以詐以
暴則臨武君之論勝
於荀卿而武王帝爾
之告非矣但宋襄非
其人耳且宋襄之論
似是而非子魚駁之
是也

而○未○成○列○又○以○告○公○曰○未○可○既○陳○而○擊○之○宋○師○敗○績○
公○傷○股○門○官○殲○焉○國○人○皆○咎○公○公○曰○君○子○不○重○傷○不○
禽○二○毛○古○之○爲○軍○也○不○以○阻○隘○也○寡○人○雖○亡○國○之○餘○
不○鼓○不○成○列○子○魚○曰○君○未○知○戰○勅○敵○之○人○隘○而○不○列○
天○贊○我○也○阻○而○鼓○之○不○亦○可○乎○猶○有○懼○焉○且○今○之○勅○
者○皆○吾○敵○也○雖○及○胡○考○獲○則○取○之○何○有○於○二○毛○明○恥○
教○戰○求○殺○敵○也○傷○未○及○死○如○何○勿○重○若○愛○重○傷○則○如○
勿○傷○愛○其○二○毛○則○如○服○焉○三○軍○以○利○用○也○金○鼓○以○聲○
氣○也○利○而○用○之○阻○隘○可○也○聲○盛○致○志○鼓○儻○可○也○

青照堂叢書

次編

左氏兵法上

十二

賞功

韓友一日賞不行無
以勸後子玉卒敗自
不能善持知勇以此
追咎子文則非矣

二十三年
楚成得臣帥師伐陳遂取焦夷城頓而還子文以爲
之功使爲令尹叔伯曰子若國何對曰吾以靖國也
良教高祖封雍齒又有機權
夫有大功而無貴仕其人能靖者與有幾
二十五章
秦晉伐郟楚鬪克屈禦寇以申息之師戍商密秦人
過析隈入而係輿人以圍商密昏而傅焉宵坎血加
書僞與子儀子邊盟者商密人懼曰秦取析矣戍人
反矣乃降秦師秦師囚申公子儀息公子邊以歸
二十七年
子玉復治兵於蔣終日而畢鞭七人貫三人耳國老

說道

法○兩○者○皆○得○妙○
借○驚○
亦○聞○
子○儀○子○邊○
子○玉○復○治○兵○於○蔣○終○日○而○畢○鞭○七○人○貫○三○人○耳○國○老○

剛而無禮斷得是
然孫子嚴刑明賞之
請何

皆賀子文。子文飲之酒。蔣賈尚幼。後至不賀。子文問
之對曰。不知所賀。子之傳政於子玉。以靖國也。靖諸
內而敗諸外。所獲幾何。子玉之敗。子之舉也。舉以敗
國。將何賀焉。子玉剛而無禮。不可以治民。過三百乘
其不能以入矣。苟入而賀。何後之有。

冬。楚子及諸侯圍宋。宋公孫固如晉告急。先軫曰。報

施救。患取威定霸。於是乎在矣。狐偃曰。楚始得曹而

兵如文。此旁擊法。

新昏於衛。若伐曹衛。楚必救之。則齊宋免矣。於是乎

蒐于被廬。作三軍。謀元帥。趙衰曰。卻縠可。臣亟聞其

用兵首在謀帥

青照堂叢書

次編

左氏兵法上

三

此謂儒將

言矣。說禮樂而敦詩書。詩書義之府也。禮樂德之則
也。德義利之本也。夏書曰。賦納以言。明試以功。車服
以庸。君其試之。乃使卻縠將中軍。卻縠佐之。使狐偃
將上軍。讓於狐毛而佐之。命趙衰為卿。讓於欒枝。先
軫使欒枝將下軍。先軫佐之。荀林父御戎。魏犢為右。
晉侯始入而教其民。二年。欲用之。子犯曰。民未知義。
未安其居。於是乎出定襄王入務利民。民懷生矣。將
用之。子犯曰。民未知信。未宣其用。於是乎伐原以示
之信。民易資者。不求豐焉。明徵其辭。公曰。可矣。乎子

義也。信也。禮也。皆聖
賢之道。而用之。自是
新術。然戰勝以文教
亦正譚何容易

犯○民○未○知○禮○未○生○其○共○於○是○乎○大○蒐○以○示○之○禮○作○
執○秩○以○正○其○官○民○聽○不○惑○而○後○用○之○出○穀○戍○釋○宋○圍○
一○戰○而○霸○文○之○教○也○

二十八年

晉○侯○圍○曹○門○焉○多○死○曹○人○尸○諸○城○上○晉○侯○患○之○聽○輿○

亦○須○樽○挾○衆○議○

人○之○謀○曰○稱○舍○於○墓○師○遷○焉○曹○人○兇○懼○爲○其○所○得○者○

師○名○神○機○

棺○而○出○之○因○其○兇○也○而○攻○之○三○月○丙○午○入○曹○數○之○以○

其○不○用○僖○負○羈○而○乘○軒○者○三○百○人○也○且○曰○獻○狀○令○無○

入○僖○負○羈○之○宮○而○免○其○族○報○施○也○魏○雙○顛○頡○怒○曰○勞○

之○不○圖○報○於○何○有○藝○僖○負○羈○氏○魏○雙○傷○於○胸○公○欲○殺○

青○照○堂○叢○書

次○編

左○氏○兵○法○上

十四

之○而○愛○其○材○使○問○且○視○之○病○將○殺○之○魏○雙○束○胸○見○使○
者○曰○以○君○之○靈○不○有○寧○也○距○躍○三○百○曲○踊○三○百○乃○舍○
之○殺○顛○頡○以○徇○于○帥○立○舟○之○僑○以○爲○戎○右○宋○人○使○門○
尹○般○如○晉○師○告○急○公○曰○宋○人○告○急○舍○之○則○絕○告○楚○不○
許○我○欲○戰○矣○齊○秦○未○可○若○之○何○先○軫○曰○使○宋○舍○我○而○
賂○齊○秦○藉○之○告○楚○我○執○曹○君○而○分○曹○衛○之○田○以○畀○宋○
人○楚○愛○曹○衛○必○不○許○也○喜○賂○怒○頑○能○無○戰○乎○公○說○執○
曹○伯○分○曹○衛○之○田○以○畀○宋○人○楚○子○入○居○于○申○使○申○叔○
去○穀○使○子○玉○去○宋○曰○無○從○晉○師○晉○侯○在○外○十○九○年○矣○

不敗之道亦在知己
知彼楚子見之甚明
而卒辱師者命將不
恤也

鍾伯敬曰城濮之戰
狐偃始之先軫中之
又終之均是以我用
人使與國敵國皆為
我用

驪友一口文公退楚
正怒我而怒寇豈真
欲實前言哉曲直之
說蓋明指兵情矣按
實前言英雄自當如
此然如此則其氣乃
奮

而果得晉國險阻艱難備嘗之矣。民之情偽盡知之矣。天假之年而除之。害天之所置。其可廢乎。軍志曰。允當則歸。又曰。知難而退。又曰。有德不可敵。此三志者。晉之謂矣。子玉使伯楚請戰。曰。非敢必有功也。願以間執讒慝之口。王怒。少與之師。唯西廣東宮與。若敖之六卒實從之。子玉使宛春告於晉師。曰。請復衛侯。而封曹。臣亦釋宋之圍。子犯曰。子玉無禮哉。君取一臣取二。不可失矣。先軫曰。子與之定。人之謂禮。楚一言而定三國。我一言而亡之。我則無禮。何以戰乎。

青照堂叢書

次編 左氏兵法上

不許楚言。是弃宋也。救而弃之。謂諸侯何。楚有三施。我有三怨。怨讎已多。將何以戰。不如私許復曹衛。以攜之。執宛春。以怒楚。既戰而後圖之。公說。乃拘宛春於衛。且私許復曹衛。曹衛告絕於楚。子玉怒。從晉師。晉師退。軍吏曰。以君辟臣辱也。且楚師老矣。何故退。子犯曰。師直為壯。曲為老。豈在久乎。微楚之惠不及此。退三舍避之。所以報也。背惠食言。以亢其讎。我曲楚直。不可謂老。我退而楚還。我將何求。若其不還。君退。臣犯。曲在彼矣。退三舍。楚眾欲止。子玉不可。夏四

孫子曰高陵勿向背邱勿逆吳子曰無當天竈無當龍頭天竈者大谷之口龍頭者可知進止法然背水軍所忌武王伐紂已背濟水不特韓信也知其勝而不敢必其勝此晉所以勝

韓友一曰滅此而朝食齊之所以敗也今敗也無晉楚之所以可敗也戰危事也其可以恣睢仇讎乎

月戊辰晉侯宋公齊國歸父崔天秦小子憖次于城濮楚師背鄆而舍晉侯患之聽輿人之誦曰原田每每舍其舊而新是謀公疑焉子犯曰戰也戰而捷必得諸侯若其不捷表裏山河必無害也公曰若楚惠何藥貞子曰漢陽諸姬楚實盡之思小惠而忘大恥不如戰也晉侯夢與楚子搏楚子伏己而盥其腦是以懼子犯曰吉我得天楚伏其罪吾且柔之矣子玉使鬬勃請戰曰請與君之士戲君馮軾而觀之得臣與寓目焉晉侯使藥枝對曰寡君聞命矣楚君之惠青照堂叢書次編左氏兵法上十六寡君未之敢忘是以此為大夫退其敢當君乎既不獲命矣敢煩大夫謂二三子戒爾車乘敬爾君事詰朝將見晉車七百乘鞶韞鞅鞞晉侯登有莘之虛以觀師曰少長有禮其可用也遂伐其木以益其兵已巳晉師陳于莘北胥臣以下軍之佐當陳蔡子玉以若敖之六卒將中軍曰今日必無晉矣子西將左子上將右胥臣蒙馬以虎皮先犯陳蔡陳蔡奔楚右師潰狐毛設二旆而退之藥枝使輿曳柴而偽遁楚師馳之原軫卻溱以中軍公族橫擊之狐毛狐偃以

權辭妙解亦宜知

如此輕戰焉得不敗

司馬法禮與法表裏也文與武左右也

先着俱師前而自操妙機

戰法一聯然

上軍夾攻。子西。楚左師潰。楚師敗績。子玉收其族而止。故不敗。晉師三日館穀。及癸酉而還。甲午至于衡雍。作王宮于踐土。鄉役之三月。鄭伯如楚。致其師。爲楚師旣敗而懼。使子人九行成於晉。晉欒枝入盟。鄭伯五月丙午。晉侯及鄭伯盟于衡雍。丁未。獻楚俘於王。駟介百乘。徒兵千。鄭伯傅王。用平禮也。己酉。王享醴。命晉侯宥。策命晉侯爲侯。伯。賜之大輅之服。戎輅之服。彤弓一。彤矢百。旅弓矢千。秬鬯一卣。虎賁三百。人曰。王謂叔父。敬服王命。以綏四國。糾逃王慝。晉侯

三辭從命。曰重耳。敢再拜稽首。奉揚天子之不顯休命。受策以出。出入三覲。衛侯聞楚師敗。懼出奔楚。遂適陳。使元咺奉叔武以受盟。癸亥。王子虎盟諸侯於王庭。要言曰。皆獎王室。無相害也。有渝此盟。明神殛之。俾墜其師。無克祚國。及其元孫。無有老幼。君子謂是盟也信。謂晉於是役也。能以德攻。

三年

晉侯秦伯圍鄭。以其無禮於晉。且貳於楚也。晉軍函陵。秦軍汜。南佚之狐言於鄭伯曰。國危矣。若使燭之武見秦軍師。必退。公從之。辭曰。臣之壯也。猶不如人。

拔危之法一言勝十萬師春秋將以小事大固多用此而此又是諷一退二若漢張綱之論廣陵賊嬰士人且有効之以全一方者亦不可不知

詞意婉曲亦全諱利害

老臣深見事理可為勤遠者戒

今老矣無能為也已。公曰吾不能早用子。今急而求子是寡人之過也。然鄭亡子亦有利焉。許之夜縋而出見秦伯曰秦晉圍鄭鄭既知亡矣若亡鄭而有益於君敢以煩執事。越國以鄙遠君知其難也。焉用亡鄭以陪隣。隣之厚君之薄也。若舍鄭以為東道主行李之往來供其乏困君亦無所害且君嘗為晉君賜矣許君焦瑕朝濟而夕設版焉君之所知也。夫晉何厭之有既東封鄭又欲肆其西封若不闕秦將焉取之。闕秦以利晉唯君圖之。秦伯說與鄭人盟使杞

青照堂叢書 次編 左氏兵法上

十八

子逢孫揚孫戍之乃還子犯請擊之公曰不可。微夫之力不及此。因人之力而敝之不仁失其所與不知以亂易整不武吾其還也亦去之。

晉文公卒將殯于曲沃出絳柩有聲如牛下偃使大夫拜曰君命大事將有西師過軼我擊之必大捷焉。

杞子自鄭使告於秦曰鄭人使我掌其北門之管若潛師以來國可得也。穆公訪諸蹇叔蹇叔曰勞師以

襲遠非所聞也師勞力竭遠主備之無乃不可乎。師知所為鄭必知之勤而無所必有悖心且行千里其

里而爭利則擒三將。單五十里而爭利則蹇叔上將。襲遠非所聞也師勞力竭遠主備之無乃不可乎。師知所為鄭必知之勤而無所必有悖心且行千里其

杜子美詩將士慘不
歷最見得聖人慎戰
歸事而懼意左傳中
言兵至講此此正當
與閻伯比料莫赦者

參看

誰不知公辭焉召孟明西乞白乙使出師於東門之
○色○樵○蘇○後○爨○土○不○指○飽○此○行○何○俱○不○慮○耶
○此○亦○不○得○已○之○諫○法○使○秦○以○是○止○便○不○至○辱○師○後
外蹇叔哭之曰孟子吾見師之出而不見其入也公
○悔○竟○何○益○也

使謂之曰爾何知中壽爾墓之木拱矣蹇叔之子與
師哭而送之曰晉人禦師必於穀穀有二陵焉其南

陵夏后臯之墓也其北陵文王之所避風雨也必死

是間余收爾骨焉秦師遂東

秦師過周北門左右免胄而下超乘者三百乘王孫
○知○兵○孟○明○輩○亦○名○將○豈○不○知○兵○凶○

賁尚幼觀之曰秦師輕而無禮必敗輕則寡謀無禮
○戰○危○之○說○耶○偶○爾○之○疎○一○念○之○驕○便○是○敗○機

則脫入險而脫又不能謀能無敗乎及滑鄭商人弦

青照堂叢書次編左氏兵法上

十九

高將市於周遇之以乘韋先牛十二犒師曰寡君聞
○皆○如○楚○高○之○忠○且○智○也

吾子將步師出於敝邑敢犒從者不腆敝邑為從者

之淹居則具一日之積行則備一夕之衛且使遽告

於鄭鄭穆公使視客館矣使皇武子辭焉曰吾子淹
○則○束○載○厲○兵○秣○馬

久於敝邑惟是脯資餼牽竭矣為吾子之將行也鄭

之有原圃猶秦之有具囿也吾子取其麋鹿以間敝

邑若何杞子奔齊逢孫楊孫奔宋孟明曰鄭有備矣

不可冀也滅滑而還

晉原軫曰秦違蹇叔而以貪勤民天奉我也奉不可

失敵不可縱。縱敵患生。違天不祥。必伐秦師。藥枝曰。

未報秦施而伐其師。其為死君乎。先軫曰。秦不哀吾

喪而伐吾同姓。秦則無禮。何施之為。吾聞之一日縱

敵數世之患也。謀及子孫。可謂死君乎。遂發命。遽興

姜戎。子墨衰經。梁宏御戎。萊駒為右。夏四月辛巳。敗

秦師於殽。獲百里。孟明視。西乞術。白乙。丙以歸。遂墨

以葬。文公。晉於是始墨。文嬴請三帥。曰。彼實搆吾二

君。寡君若得而食之。不厭。君何辱討焉。使歸就戮於

秦。以逞寡君之志。若何。公許之。先軫朝問秦囚。公曰。

青照堂叢書 次編 左氏兵法上 二十

夫人請之。吾舍之矣。先軫怒曰。武夫力而拘諸原。婦

人讐而免諸國。墮軍實而長寇讎。亡無日矣。不顧而

唾。公使陽處父追之。及諸河。則在舟中矣。釋左驂以

公命。贈孟明。孟明稽首曰。君之惠不以累臣釁鼓。使

歸就戮於秦。寡君之以為戮。死且不朽。若從君惠而

免之。三年將拜君。賜秦伯素服。郊次鄉師。而哭曰。孤

違蹇叔以辱二三子。孤之罪也不替。孟明孤之過也。

大夫何罪。且吾不以一眚掩大德。

狄伐晉及箕。八月戊子。晉侯敗狄于箕。卻缺獲白狄。

敬以成德卽治兵之本此自從丹書來驗之夫婦問最微

此役蓋兩往也武不違敵何待讓而後紆然楚退固狡陽子之去亦猶

子先軫曰匹夫逞志於君而無討敢不自討乎免胄入狄師死焉狄人歸其元面如生初臼季使過冀見卻缺耨其妻饁之敬相待如賓與之歸言諸文公曰敬德之聚也能敬必有德德以治民君請用之臣聞之出門如賓承事如祭仁之則也公曰其父有罪可乎對曰舜之罪也殛鯀其舉也興禹管敬仲桓之賊也實相以濟康誥曰父不慈子不祗兄不友弟不共不相及也詩曰采葑采菲無以下體君取節焉可也文公以爲下軍大夫反自箕襄公以三命命先且居將中軍以再命命先茅之縣賞胥臣曰舉卻缺子之功也以一命命卻缺爲卿復與之冀亦未有軍行晉陽處父侵蔡楚子上救之與晉師夾泚而陳陽子患之使謂子上曰吾聞之文不犯順武不違敵子若欲戰則吾退舍子濟而陳遲速惟命不然紆我老師費財亦無益也乃駕以待子上欲涉大孫伯曰不可晉人無信半涉而薄我悔敗何及不如紆之乃退舍陽子宣言曰楚師遁矣遂歸楚師亦歸太子商臣譖子上曰受晉賂而辟之楚之恥也罪莫大焉王殺子

青照堂叢書

次編

左氏兵法上

三

楚殺子玉而再敗秦
用孟明而終羸帥不
可輕殺也然亦當審
其人宋文帝不斬王
元讓嘗見此意惜不
能增修改也

上。

文完年
殺之役、晉人既歸秦帥。秦大夫及左右皆言於秦伯

曰是敗也。孟明之罪也。必殺之。秦伯曰是孤之罪也。

周芮良夫之詩曰大風有隧。貪人敗類。聽言則對。誦

言如醉。匪用其良。覆俾我悖。是貪故也。孤之謂矣。孤

實貪以禍夫子。夫子何罪復使為政。

秦孟明視帥師伐晉。以報殺之役。晉侯禦之。先且居

將中軍。趙衰佐之。王官無地御戎。狐鞫居為右。甲子

及秦師戰于彭衙。晉人謂秦拜賜之師。戰于殺也。晉

青照堂叢書 次編 左氏兵法上 三

梁宏御戎。萊駒為右。戰之明日。晉襄公縛秦囚。使萊

駒以戈斬之。囚呼萊駒失戈。狼曠取戈以斬囚。禽之

以從公乘。遂以為右。箕之役。先軫黜之。而立續簡伯

狼曠怒。其友曰盍死之。曠曰吾未獲死所。其友曰吾

與汝為難。曠曰周志有之。勇則害上不登於明堂。死

而不義。非勇也。共用之。謂勇。吾以勇求右。無勇而黜

亦其所也。謂上不我知。黜而宜。乃知我矣。子姑待之。

及彭衙既陳。以其屬馳秦師死焉。晉師從之。大敗秦

師。君子謂狼曠於是乎君子。詩曰君子如怒。亂庶遄

吳子曰軍不占而避之者六一土廣民衆二惠施秀流三賞信刑察四任賢使能五徙衆兵精六四隣之助此皆當知

項羽沉舟本此

子桑知人下不以一告掩大德穆固自見之矣若其始之伐鄭非謀實固在穆而孟明輕往正在不知懼耳孔明泣斬馬謖諫才本不可大用未可與孟明並論

沮又曰王赫斯怒爰整其旅怒不作亂而以從師可謂君子矣

秦伯猶用孟明孟明增修國政重施於民趙成子言

於諸大夫曰秦師又至將必辟之懼而增德不可當

也詩曰無念爾祖聿修厥德孟明念之矣念德不怠

其可敵乎

秦伯伐晉濟河焚舟取王官及郊晉人不出遂自茅

津濟封殺尸而還遂霸西戎用孟明也君子是以知

秦穆公之爲君也舉人之周也與人之壹也孟明之

青照堂叢書

次編

左氏兵法上

三三

臣也其不解也能懼思也子桑之忠也其知人也能

舉善也詩曰予以采蘩于沼于沚予以用之公侯之

事秦穆有焉夙夜匪懈以事一人孟明有焉詒厥孫

謀以燕翼子子桑有焉

秦康公送公子雍于晉曰文公之人也無衛故有呂

卻之難乃多與之徒衛穆嬴日抱太子以啼于朝曰

先君何罪其嗣亦何罪舍適嗣不立而外求君將焉

置此出朝則抱以適趙氏頓首於宣子曰先君奉此

子也而屬諸子曰此子也才吾受子之賜不才吾惟

此事非義先人御兵
占得便宜

子之怨。今君雖終言猶在耳。而棄之若何。宣子與諸大夫皆患穆嬴。且畏偪。乃背先蔑而立靈公。以禦秦師。箕鄭居守。趙盾將中軍。先克佐之。荀林父佐上軍。先蔑將下軍。先都佐之。步招御戎。戎津爲右。及董陰。宣子曰。我若受秦。秦則賓也。不受寇也。旣不受矣。而復緩師。秦將生心。先人有奪人之心。軍之善謀也。逐寇如追逃軍之善政也。訓卒利兵。秣馬蓐食。潛師夜起。戊子。敗秦師于令狐。至于刳首。己丑。先蔑奔秦。士會從之。先蔑之使也。荀林父止之曰。夫人大子猶在。青照堂叢書 次編 左氏兵法上 三四

而外求君。此必不行。子以疾辭。若何。不然。將及。攝卿以往。可也。何必子。同官爲寮。吾嘗同寮。敢不盡心乎。弗聽。爲賦板之三章。又弗聽。及亡。荀伯盡送其帑。及其器用財賄於秦。曰。爲同寮故也。士會在秦三年。不見士伯。其人曰。能亡人於國。不能見於此。焉用之士。季曰。吾與之同罪。非義之也。將何見焉。及歸。遂不見。陳侯。鄆伯。會楚子於息。冬。遂及蔡侯。次于厥貉。將以伐宋。宋華御事曰。楚欲弱我也。先爲之弱乎。何必使誘我。我實不能。民何罪。乃逆楚子。勞且聽命。遂道以

小國自處當如此

田孟○之陣戰亦可○用

田孟諸宋公為右孟鄭伯為左孟期思公復遂為右
司馬子朱及文之無畏為左司馬命夙駕載燧宋公
違命無畏拱其僕以徇或謂子舟曰國君不可戮也
子舟曰當官而行何彊之有詩曰剛亦不吐柔亦不
茹毋縱詭隨以謹罔極是亦非辟彊也敢愛死以亂
官乎

上年

鄭瞞侵齊遂伐我公卜使叔孫得臣追之吉侯叔夏
御莊叔縣房甥為右富父終甥駟乘冬十月甲午敗

狄于鹹獲長狄僑如富父終甥摻其喉以戈殺之埋

青照堂叢書次編左氏兵法上

三五

殺梁言射其目各就
所聞言之然殺身橫
九敵之人恐只有射
目之法喉非戈所及
也杜子美詩用箭用
長射人射馬俱於此
可參

其首於子駒之門以命宣伯初宋武公之世鄭瞞伐
宋司徒皇父帥師禦之彫班御皇父充石公子穀甥
為右司寇牛父駟乘以敗狄于長邱獲長狄緣斯皇
父之二子死焉宋公于是以門賞彫班使食其征謂
之彫門晉之滅潞也獲僑如之弟焚如齊襄公之二
年鄭瞞伐齊齊王子成父獲其弟榮如埋其首於周
首之北門衛人獲其季弟簡如鄭瞞由是遂亡
十二年
秦為令狐之役故冬秦伯伐晉取羈馬晉人禦之趙
盾將中軍荀林父佐之卻缺將上軍與駢佐之彘盾

制高合之策莫妙堅壁清野正是此法

國士不可為人用

小人在軍未有能勝者

吳子觀將之法令賤而勇者將輕銳以嘗之此則以輕誘輕致師善着

將下軍。胥甲佐之。范無恤御戎。以從秦師於河曲。與

駢曰。秦不能久。請深壘固軍。以待之。從之。秦人欲戰。

秦伯謂士會曰。若何而戰。對曰。趙氏新出其屬。曰與

駢必實為此謀。將以老我師也。趙有側室。曰穿。晉君

之婿也。有寵而弱。不任軍事。好勇而狂。且惡與駢之

佐上軍也。若使輕者肆焉。其可。秦伯以璧祈戰於河

十二月戊午。秦軍掩晉上軍。趙穿追之不及。反怒曰。

裹糧坐甲。固敵是求。敵至不擊。將何俟焉。軍吏曰。將

有待也。穿曰。我不知謀。將獨出。乃以其屬出。宣子曰。

秦獲穿也。獲一卿矣。秦以勝歸。我何以報。乃皆出戰。

交綏。秦行人夜戒晉師曰。兩軍之士皆未懋也。明日

請相見也。與駢曰。使者目動而言肆。懼我也。將遁矣。

薄諸河。必敗之。胥甲趙穿當軍門。呼曰。死傷未收。而

棄之不惠也。不待期而薄人於險。無勇也。乃止。秦師

夜遁。復侵晉入瑕。

楚大饑。戎伐其西南。至于阜山。師于大林。又伐其東

南。至于陽邱。以侵訾枝。庸人帥羣蠻以叛楚。麇人率

百濮聚於選。將伐楚。於是申息之北。門不啓。楚人謀

六年。

青照堂叢書

次編 左氏兵法上

三六

韓友一日古今遷都之害決于此王始興踵其說遂足以定晉郡王局周平王論亦衍文而生梯者也

季梁請下以怒我驕寇此偽北以怒我驕款意同而法變要須先為不可勝之道

裴豹踰險殺督戎此人并獲狂狡此閭智不以我力

韓友一日左氏盛責辭對小人不足道元

徒於阪高為賈曰不可我能往寇亦能往不如伐庸夫粟與百濮謂我饑不能師故伐我也若我出師必懼而歸百濮離居將各走其邑誰暇謀人乃出師旬有五日百濮罷自廬以往振廩同食次于句瀝使廬戢黎侵庸及庸方城庸人逐之囚子揚窻三宿而逸日庸師眾羣蠻聚焉不如復大師且起王卒合而後進師叔曰不可姑又與之遇以驕之彼驕我怒而後可克先君蚡冒所以服陘隰也又與之遇七遇皆北惟裨儵魚人實逐之庸人曰楚不足與戰矣遂不設

青照堂叢書

次編

左氏兵法上

三七

備楚子乘駟會師于臨品分為二隊子越自石溪子貝自仞以伐庸秦人巴人從楚師羣蠻從楚子盟遂滅庸

宣三年

鄭公子歸生受命于楚伐宋宋華元樂呂禦之戰于大棘宋師敗績囚華元獲樂呂及甲車四百六十乘俘二百五十人馘百人狂狡輅鄭人鄭人入于井倒戟而出之獲狂狡君子曰失禮違命宜其為禽也戎昭果毅以聽之之謂禮殺敵為果致果為毅易之毅也將戰華元殺羊食士其御羊斟不與及戰曰疇昔

以此見待士必均大公投醪

爲大將而疏缺若此
其何以戰

用心深矣。賞罰皆然也。

之羊子爲政。今日之事。我爲政。與入鄭師。故敗。君子
謂羊斟非人也。以其私憾。敗國殄民。於是刑孰大焉。
詩所謂人之無良者。其羊斟之謂乎。殘民以逞。宋人
以兵車百乘。文馬百駟。以贖華元於鄭。半入華元。逃
歸。立于門外。告而入。見叔牂。曰。子之馬然也。對曰。非
馬也。其人也。旣合而來奔。宋城華元爲植。巡功。城者
謳曰。睥其目。瞻其腹。棄甲而復。子思于思。棄甲復來。
使其驂乘謂之曰。牛則有皮。犀兕尙多。棄甲則那。役
人曰。從其有皮。丹漆若何。華元曰。去之。夫其口衆。我
寡。

青照堂叢書

次編

左氏兵法上

三六

初楚司馬子良生子越椒。子文曰。必殺之。是子也。熊
虎之狀。而豺狼之聲。弗殺。必滅若敖氏矣。諺曰。狼子
野心。是乃狼也。其可畜乎。子良不可。子文以爲大憾。
及將死。聚其族曰。椒也。知政。乃速行矣。無及於難。且
泣曰。鬼猶求食。若敖氏之鬼。不其餒而及令尹子文
卒。鬪般爲令尹。子越爲司馬。蔣賈爲工正。譖子揚而
殺之。子越爲令尹。已爲司馬。子越又惡之。乃以若敖
氏之族。圍伯嬴於轅陽。而殺之。遂處烝野。將攻王王

以三王子爲質焉。弗受。師于漳滏。秋七月戊戌。楚子與若敖氏戰於臯澗。伯棼射王。汰斬及鼓跗。著於于寧。又射汰斬。以貫笠韞。師懼。退。王使巡師。曰。吾先君文王克息。獲三矢焉。伯棼竊其二。盡於是矣。鼓而進之。遂滅若敖氏。

六年赤狄伐晉。圍懷及邢。邱晉侯欲伐之。中行桓子曰。使疾其民。以盈其貫。將可殪也。周書曰。殪戎殷。此類之。

九〇周謂也。

十二年楚子圍鄭。旬有七日。鄭人卜行成。不吉。卜臨于大宮。

青照堂叢書 次編 左氏兵法上

五九

且巷出車。吉。國人大臨。守陴者皆哭。楚子退師。鄭人修城。進復圍之。三月克之。入自皇門。至于達路。鄭伯肉袒牽羊以逆。曰。孤不天。不能事君。使君懷怒。以及敝邑。孤之罪也。敢不惟命是聽。其俘諸江南。以實海濱。亦惟命。其翦以賜諸侯。使臣妾之。亦惟命。若惠顧前好。微福於厲。宣桓武不泯。其社稷。使改事君。夷于九縣。君之惠也。孤之願也。非所敢望也。敢布腹心。君實圖之。左右曰。不可許也。得國無赦。王曰。其君能下人。必能信用其民矣。庸可幾乎。退三十里而許之。平。

然猶非也。此用代之心。

赦罪是也。

潘廼入盟。子良出質。

夏六月。晉師救鄭。荀林父將中軍。先穀佐之。士會將上軍。郤克佐之。趙朔將下軍。欒書佐之。趙括趙嬰齊為中軍大夫。鞏朔韓穿為上軍大夫。荀首趙同為下軍大夫。韓厥為司馬。及河。聞鄭既及楚。平桓子欲還。曰。無及於鄭。而勦民焉。用之楚歸。而動不後。隨武子曰。善會。聞用師。觀釁而動。德刑政事典禮。不易。不可敵也。不為是征。楚軍討鄭。怒其貳。而哀其卑。叛而伐之。服而舍之。德刑成矣。伐叛刑也。柔服德也。二者立。

青照堂叢書

次編

左氏兵法上

三

韓友一曰楚國陣法
備于此數言右轅白
虎也左追尋青龍也
前孝慮無朱雀也後
勁元武也中雜以控
四隅五陣備變化見
矣
吳子曰凡料敵有不
卜而戰者八一日疾
風大寒早興賸遲剖
冰濟水不憚艱難二
日盛衰炎熱安與無
閉行驅飢渴務以取
違三日所淹既久履
食將盡百姓怨怒妖
祥數起上不能止四
日重資既竭薪芻既
寡天多陰雨欲掠無

矣。昔歲入陳。今茲入鄭。民不罷勞。君無怨讟。政有經矣。荆尸而舉。商農工賈不敗其業。而卒乘輯睦。事不奸矣。為敖為宰。擇楚國之令典。軍行右轅。左追尋。前茅慮無中權。後勁百官象物。而動軍政不戒。而備能用典矣。其君之舉也。內姓選於親。外姓選於舊。舉不失德。賞不失勞。老有加惠。旅有施舍。君子小人物有服章。貴有常尊。賤有等威。禮不逆矣。德立刑行。政成事時。典從禮順。若之何。敵之見可。而進知難。而退軍之善政也。兼弱攻昧。武之善經也。子姑整軍。而經武。

所五曰徒衆無多水
地不利人馬疾疫四
隣不至六曰道遠四
苦士衆勞懼倦而未
食解甲而息七曰將
薄更輕士卒不固三
軍數驚師徒無助八
曰陣而未定全而未
畢行險涉險半陰半
出有不占而避之者
六一曰土地廣大入
民富衆二曰上愛其
下惠施流布三曰賞
信刑察獎必得時四
曰陳功居列任賢使
能五曰師徒之衆兵
甲之精六曰四隣之
助大國之接言見可
而進知難而退甚詳
當與此參看

鍾伯敬曰楚人知
兵過晉師遺矣安得
不勝按人不論沈
昂惟視其賢否此楚
人伍奢之祖父固異

乎猶有弱而昧者何必楚仲虺有言曰取亂侮亡兼
弱也洵曰於鑠王師遵養時晦著昧也武曰無競惟
烈撫弱者昧以務烈所可也彘子曰晉所以霸師武
臣力也今失諸侯不可謂力有敵而不從不可謂武
由我失霸不如死且成師以出聞敵疆而退非夫也
命爲軍帥而卒以非夫唯羣子能我弗爲也以中軍
佐濟知莊子曰此師殆哉周易有之在師之臨曰師
出以律否臧凶執事順成爲臧逆爲否衆散爲弱川
壅爲澤有律以如已也故曰律否臧且律竭也盈而
以竭天且不整所以凶也不行之謂臨有帥而不從
臨孰甚焉此之謂矣果遇必敗彘子尸之雖免而歸
必有咎韓獻子謂桓子曰彘子以偏師陷子罪大
矣子爲元帥師不用命誰之罪也失屬亡師爲罪已
重不如進也事之不捷惡有所分與其專罪六人同
之不猶愈乎師遂濟楚子北師次于郟沈尹將中軍
子重將左子反將右將飲馬於河而歸聞晉師旣濟
嬖人伍參欲戰令尹孫叔敖弗欲曰昔歲入陳今茲
入鄭不無事矣戰而不捷參之肉其足食乎參曰若

青照堂叢書

次編

左氏兵法上

三

於唐之諸監軍觀軍容使也

韓友一日晉二三大夫皆為敵人所測安得不敗

校計密情知之者勝然楚知晉必敗晉知楚難勝國各有人惜乎桓子不能如藥伯之從善耳

事之捷。孫叔為無謀矣。不捷。參之肉將在晉軍。可得食乎。令尹南轅反旆。伍參言于王曰。晉之從政者。新未能行。令其佐先穀剛愎不仁。未肯用命。其三帥者。專行不獲聽。而無上。眾誰適從。此行也。晉師必敗。且君而逃。臣若社稷。何王病之。告令尹。改乘轅而北之。次于管。以待之。晉師在敖鄙之間。鄭皇戌使如晉師。曰。鄭之從楚。社稷之故也。未有貳心。楚師驟勝而驕。其師老矣。而不設備。子擊之。鄭師為承。楚師必敗。彘子曰。敗楚服鄭。於此在矣。必許之。藥武子曰。楚自克庸以來。其君無日不討國人。而訓之于民生之不易。禍至之無日。戒懼之不可以怠。在軍無日不討軍實。而申傲之于勝之不可保。紂之百克而卒無後。訓之以若敖蚡冒。筮路籃縷。以啓山林。箴之曰。民生在勤。勤則不匱。不可謂驕。先大夫子犯有言曰。師直為壯。曲為老。我則不德。而徼怨於楚。我曲楚直。不可謂老。其君之戎。分為二廣。廣有一卒。卒偏之兩。右廣初。駕數及日中。左則受之。以至于昏。內官序當其夜。以待不虞。不可謂無備。子良。鄭之良也。師叔楚之崇也。師

青照堂叢書

次編

左氏兵法上

三

韓友一曰當時與兵
伐國有以一言得體
而退師者即兩陣相
交兵力互接之時猶
有以言辭有文而縱
之者蓋猶有三代之
遺風焉春秋而後不
可得見矣

致師當如此得人將
輕銳以嘗猶爲下矣

叔入盟。子良在楚。楚鄭親矣。來勸我戰。我克則來不
克。遂往以我卜也。鄭不可從。趙括趙同曰。率師以來
惟敵是求。克敵得屬。又何俟。必從。彘子知季曰。原屏
咎之徒也。趙莊子曰。欒伯善哉。實其言。必長。晉國楚
少宰如晉師曰。寡君少遭閔凶。不能文。聞二先君之
出入此行也。將鄭是訓定。豈敢求罪於晉。二三子無
淹久。隨季對曰。昔平王命我先君文侯曰。與鄭夾輔
周室。毋廢王命。今鄭不率。寡君使羣臣問諸鄭。豈敢
辱侯人。敢拜君命之辱。彘子以爲詔。使趙括從而更
青照堂叢書 次編 左氏兵法上 三

之曰。行人失辭。寡君使羣臣遷大國之迹於鄭。曰。無
辟敵。羣臣無所逃命。楚子又使求成於晉。晉人許之。
盟有日矣。楚許伯御樂伯。攝叔爲右。以致晉師。許伯
曰。吾聞致師者。御靡旌。摩壘而還。樂伯曰。吾聞致師
者。左射以蔽代。御執轡。御下兩馬掉鞅而還。攝叔曰。
吾聞致師者。右入壘。折馘執俘而還。皆行其所聞。而
復。晉人逐之。左右角之。樂伯左射馬。而右射人。角不
能進。矢一而已。麋興於前射。麋龜。晉鮑癸當其後。
使攝叔奉麋獻焉。曰。以歲之非時。獻禽之未至。敢膳

異子曰用兵有四不和。不和於國。不可以出軍。不和於軍。不可以進戰。不和於陣。不可以決勝。楚師似不和。而實和。晉人之不和。甚矣。何以勝然。

孫子不云乎。將聽吾計。用之必勝。留之將不聽。吾計用之必敗。去之晉之敗於郟。由桓子不能將將也。

諸從者。鮑癸止之曰。其左善射。其右有辭。君子也。既

免。晉魏錡求公族未得而怒。欲敗晉師。請致師。弗許。

請使許之。遂往。請戰而還。楚潘黨逐之。及滎澤。見六

麋射一麋。以顧獻。曰。子有軍事。獸人無乃不給於鮮。

敢獻於從者。叔黨命去之。趙旃求卿未得。且怒於失

楚之致師者。請挑戰。弗許。請召盟。許之。與魏錡皆命

而往。卻獻子曰。二憾往矣。弗備必敗。彘子曰。鄭人勸

戰。弗敢從也。楚人求成。弗能好也。師無成命。多備何

爲。士季曰。備之善若。二子怒。楚楚人乘我。喪師無日。

青照堂叢書 次編 左氏兵法上 三

矣。不如備之。楚之無惡。除備而盟。何損於好。若以惡

來。有備不敗。且雖諸侯相見。軍衛不徹。警也。彘子不

可。士季使鞏朔韓穿帥七覆於敖。前故上軍不敗。趙

嬰齊使其徒先具舟於河。故敗而先濟。潘黨既逐。魏

錡趙旃夜至于楚軍。席於軍門之外。使其徒入之。楚

子爲乘廣三十乘。分爲左右。右廣雞鳴而駕。日中而

說。左則受之日入。而說許偃御。右廣養由基爲右。彭

名御左。廣屈蕩爲右。乙卯。王乘左。廣以逐趙旃。趙旃

棄車而走林。屈蕩搏之。得其甲裳。晉人懼。二子之怒。

楚國此戰仍是孫叔之功

韓友一曰大軍相厭不待戰而敗晉之敗亦未有如此甚者蓋楚之心一晉之心亂也
制先穀既亦在臨陣無戰心若能定謀厲主勝負亦何常哉觀上軍之不敗下軍之反戰而有獲可知也

楚師也。使輓車迎之。潘黨望其塵。使騁而告曰。晉師至矣。楚人亦懼。王之入晉軍也。遂出陳。孫叔曰。進之。寧我薄人。無人薄我。詩云。元戎十乘以先啓行。先人也。軍志曰。先人有奪人之心。薄之也。遂疾進師。車馳也。卒奔乘。晉軍桓子不知所爲。鼓於軍中。曰。先濟者有賞。中軍下軍爭舟。舟中之指可掬也。晉師右移。上軍未動。工尹齊將右拒卒。以逐下軍。楚子使唐狡與蔡鳩居。告唐惠侯曰。不穀不德而貪。以遇大敵。不穀之罪也。然楚不克。君之羞也。敢藉君靈。以濟楚師。使潘

青照堂叢書

次編 左氏兵法上

三

黨率游闕四十乘。從唐侯以爲左拒。以從上軍。駒伯曰。待諸乎。隨季曰。楚師方壯。若萃於我。吾師必盡。不如收而去之。分謗生民。不亦可乎。殿其卒而退。不敗。王見右廣將從之。乘屈蕩戶之曰。君以此始。亦必以終。自是楚之乘廣先左。晉人或以廣隊不能進。楚人甚之。脫屣少進。馬還。又甚之。拔旆投衡。乃出。顧曰。吾不如大國之數奔也。趙旃以其良馬二。濟其兄與叔父。以他馬反。遇敵不能去。棄車而走。林逢大夫與其二子乘。謂其二子無顧。顧曰。趙僂在後。怒之。使下指

韓友一曰要質須其重者是為老謀喪子而氣定亦人情所難

韓友一曰此一段桓文所難莊之所以得該勝易守勝難楚子却之矣

木曰尸汝於是授趙旃綏以免明日以表尸之皆重
獲在木下楚雄負羈囚知罃知莊子以其族反之廚
武子御下軍之士多從之每射抽矢葢納諸厨子之
房厨子怒曰非子之求而蒲之愛董澤之蒲可勝既
乎知季曰不以人子吾子其可得乎吾不可以苟射
故也射連尹襄老獲之遂載其尸射公子穀臣囚之
以二者還及昏楚師軍於邲晉之餘師不能軍宵濟
亦終夜有聲丙辰楚重至於邲遂次于衡雍潘黨曰
君盍築武軍而收晉尸以為京觀臣聞克敵必示子
青照堂叢書 次編 左氏兵法上 三五
孫以無忘武功楚子曰非爾所知也夫文止戈為武
武王克商作頌曰載戢干戈載櫜弓矢我求懿德肆
于時夏允王保之又作武其卒章曰耆定爾功其三
曰鋪時繹思我徂惟求定其六曰綏萬邦屢豐年夫
武禁暴戢兵保大定功安民和衆豐財者也故使子
孫無忘其章今我使二國暴骨暴矣觀兵以威諸侯
兵不戢矣暴而不戢安能保大猶有晉在焉得定功
所違民欲猶多民何安焉無德而強爭諸侯何以和
衆利人之幾而安人之亂以為已榮何以豐財武有

七德我無一焉。何以示子孫。其爲先君宮告成事而已。武非吾功也。古者明王伐不敬。取其鯨鯢而封之。以爲大戮。於是乎有京觀。以懲淫慝。今罪無所而民皆盡忠。以死君命。又可以爲京觀乎。作先君宮告成事而還。是役也。鄭石制實入楚師。將以分鄭而立公子魚臣。辛未。鄭殺僕叔及子服。君子曰。史佚所謂毋怙亂者。謂是類也。詩曰。亂離瘼矣。爰其適歸。歸於怙亂者也。夫。

晉師歸。桓子請死。晉侯欲許之。士貞子諫曰。不可。城

青照堂叢書

次編 左氏兵法上

三七

韓友一曰。此亦論其人耳。若庸懦無能之帥。殺之可也。李元平之屬。亦可以視子韜口乎。子玉非庸懦者。然其死也亦宜。

濮之役。晉師三日穀。文公猶有憂色。左右曰。有喜而憂。如有憂而喜乎。公曰。得臣猶在。憂未歇也。困獸猶鬥。况國相乎。及楚殺子玉。公喜而後可知也。曰。莫余毒也。已是晉再克而楚再敗也。楚是以再世不競。今天或者大警晉也。而又殺林父。以重楚勝。其母乃久不競乎。林父之事君也。進思盡忠。退思補過。社稷之衛也。若之何。殺之。夫其敗也。如日月之食焉。何損於明。晉侯使復其位。

冬。楚子伐蕭。宋華椒以蔡人救蕭。蕭人囚熊相。官僚。

韓友一百古之名將
軍營不定不敢言勞
軍炊未熟不敢言飢
軍井未穿不敢言渴
務與士卒同甘苦故
人樂爲用楚王可謂
善將矣

此亦不戰而風之法
落陣者不戰信矣

王景嬰合符堅勿以
晉爲意自有深心若
未文聽王元諫言有
封狼居胥之意從然
耳

鍾伯敬曰不許忠也
三而許之知也妙妙
韓友一日其權以濟
事全在許之若不許
楚必先殺之雖斷脛
絕軀城中人不知也

及公子丙王曰勿殺吾退蕭人殺之王怒遂圍蕭蕭

潰申公巫臣曰師人多寒王巡三軍拊而勉之三軍

之士皆如挾纊遂傳於蕭還無社與司馬卯言號申

叔展叔展曰有麥麴乎曰無有山鞠窮乎曰無河魚

腹疾奈何曰目於智井而拯之若爲茅經哭井則已

明日蕭潰申叔視其井則茅經存焉號而出之

晉侯伏鄭爲郟故也告于諸侯蒐焉而還中行桓子

之謀也曰示之以整使謀而來鄭人懼使子張代于

良於楚鄭伯如楚謀晉故也鄭以子良爲有禮故召

之。青照堂叢書 次編 左氏兵法上 三

楚子圍宋宋人使樂嬰齊告急于晉晉侯欲救之伯

宗曰不可古人有言曰雖鞭之長不及馬腹天方授

楚未可與爭雖晉之強能違天乎諺曰高下在心川

澤納汙山藪藏疾瑾瑜匿瑕國君含垢天之道也君

其待之乃止使解揚如宋使無降楚曰晉師悉起將

至矣鄭人囚而獻諸楚楚子厚賂之使反其言不許

三而許之登諸樓車使呼宋人而告之遂致其君命

楚子將殺之使與之言曰爾旣許不穀而反之何故

楚子將殺之使與之言曰爾旣許不穀而反之何故

故死於軍中與死於城下相去萬萬。按使許之太易，楚子亦不信，故不許。正忠之至知之深。理明辭自達，守定氣自申，委曲而卒，致其命且保其身。此千百軍中傳信遇難之法。楚友一曰：解揚勝百萬師，楚之終不敢與晉爭晉有人焉，故也。

登牀要盟勢在劫之，然自將事與進刺客者異。

韓友一曰：以小城抗伯國勢已危矣，况彼有解縛之言，何不藉端求成哉，而故欲逆之，是達亡也。

非我無信。女則棄之，速即爾刑。對曰：臣聞之，君能制

命為義，臣能承命為信。信載義而行之為利，謀不失

利以衛社稷，民之主也。義無二信，信無二命。君之賂

臣不知命也，受命以出，有死無實，又可賂乎？臣之許

君以成命也，死而成命，臣之祿也。寡君有信，臣下臣

獲考死，又何求？楚子舍之以歸。夏五月，楚師將去宋

申屠，稽首於王之馬前，曰：毋畏知死而不敢廢王命。

王棄言焉。王不能答申叔時，僕曰：築室反耕者，宋必

聽命。從之。宋人懼，使華元夜入楚師，登子反之牀，起

青照堂叢書 次編 左氏兵法上 三十九

之曰：寡君使元以病告曰：敝邑易子而食，析骸以爨

雖然，城下之盟，有以國斃不能從也。去我三十里，惟

命是聽。子反懼，與之盟，而告王。退三十里。宋及楚平。

華元為質，盟曰：我無爾詐，爾無我虞。

齊侯伐我北鄙，圍龍。頃公之嬖人盧蒲就魁門焉。龍

人囚之。齊人曰：勿殺吾與爾盟。無入爾封，弗聽。殺而

膊諸城上。齊侯親鼓士陵城三日，取龍。遂南侵，及巢

邱。

衛侯使孫良夫、石稷、甯相、向禽將侵齊。與齊師遇，石

保敗全帥皆行師者
所當知

子欲還孫子曰不可以師伐人遇其師而還將謂君何若知不能則如勿出今既遇矣不如戰也夏有闕失新築石成子曰師敗矣子不少須衆懼盡子喪師戰事徒何以復命皆不對又曰子國卿也隕子辱矣子以衆退我此乃止且告車來甚衆齊師乃止次于鞠居

新築人仲叔于奚救孫桓子桓子是以免既衛人賞之以邑辭請曲縣繁纓以朝許之仲尼聞之曰惜也不如多與之邑惟器與名不可以假人

孫桓子還於新築不入遂如晉乞師臧宣叔亦如晉

青照堂叢書 次編 左氏兵法上

四

乞師皆主卻獻子晉侯許之七百乘卻子曰此城濮之賦也有先君之明與先大夫之肅故捷克於先大夫無能為役請八百乘許之卻克將中軍士燮佐上

軍藥書將下軍韓厥為司馬以救魯衛臧宣叔逆晉

師且道之季文子帥師會之及衛地韓獻子將斬人

卻獻子馳將救之至則既斬之矣卻子使速以徇曰

吾以分謗也師從齊師于莘六月壬申師至于靡笄

之下齊侯使請戰曰子以君師辱於敝邑不腆敝賦

詰朝請見對曰晉與魯衛兄弟也來告曰大國朝夕

鍾伯敬曰齊何驕而晉何慙也晉強齊弱晉直齊向而以驕敵懼安得不敗

韓友一曰敗軍之談往往如此故行軍者觀其言而知其勝負不必對壘也

韓友一曰此戰全屈幸勝齊師之進由于馬逸齊侯之敗由于驂絳想亦齊侯驕暴故天以此整之不然以臨淄之富實精兵十萬晉師深入未見其必利也予謂馬逸亦聽鼓音亦解人意此誠晉勝正在帥車之競隨天意固有之非盡倖勝也戰勝在勇勇氣在勵能勵者

釋憾於敝邑之地寡君不忍使羣臣請於大國無令輿師淹於君地能進不能退君無所辱命齊侯曰大夫之許寡人之願也若其不許亦將見也齊高固入晉師桀石以投人禽之而乘其車繫桑木焉以徇齊壘曰欲勇者賈余餘勇癸酉師陳于鞌邴夏御齊侯逢丑父為右晉解張御卻克鄭邱緩為右齊侯曰余始剪滅此而朝食不介馬而馳之卻克傷於矢流血及屨未絕鼓音曰余病矣張侯曰自始合而矢貫余手及肘余折以御左輪朱殷豈敢言病吾子忍之緩

青照堂叢書

次編

左氏兵法上

望一

日自始合苟有險余必下推車子豈識之然子病矣張侯曰師之耳目在吾旗鼓進退從之此車一人殿之可以集事若之何其以病敗君之大事也擐甲執兵固即死也病未及死吾子勉之左并轡右援枹而鼓馬逸不能止師從之齊師敗績逐之三周華不注韓厥夢子輿謂已曰且辟左右故中御而從齊侯邴夏曰射其御者君子也公曰謂之君子而射之非禮也射其左越于車下射其右斃於車中綦毋張喪車從韓厥曰請寓乘從左右皆肘之使立於後韓厥倪

幾敗不敗若郟之戰
桓子未敗而先自敗
數宜其不救矣

定其右。逢丑父與公易位。將及華泉。驂絙於木而止。
丑父寢於轡中。蛇出于其下。以肱擊之。傷而匿之。故
不能推車。而及韓厥執繫馬前。再拜稽首。奉觴加璧。
以進。曰。寡君使羣臣為魯衛請。曰。無令輿師陷入君
地。下臣不幸。屬當戎行。無所逃隱。且懼奔辟而忝兩
君。臣辱戎士。敢告不敏。攝官承乏。丑父使公下。如華
泉。取飲。鄭周父御佐車。宛蒺為右。載齊侯。以免。韓厥
獻丑父。卻獻子將戮之。呼曰。自今無有代其君任患
者。有一於此。將為戮乎。卻子曰。人不難以死免其君。

青照堂叢書

次編 左氏兵法上

四二

我戮之不祥。赦之以勸事君者。乃免之。齊侯免。求丑

當如此

父。三人三出。每出齊師以帥退。入于狄卒。狄卒皆抽

戈楯。冒之以入于衛師。衛師免之。遂自徐關入。齊侯

見保者。曰。勉之。齊師敗矣。辟女子。女子曰。君免乎。曰

免矣。曰。銳司徒免乎。曰。免矣。曰。苟君與吾父免矣。可

左子有禮亦足卜齊水可滅

若何。乃奔齊侯。以為有禮。既而問之。辟司徒之妻也。

予之石窌。晉師從齊師。入自邱輿。擊馬陘。齊侯使賓

媚。人賂以紀甗。玉磬與地。不可則聽。客之所為賓媚

人致賂。晉人不可。曰。必以蕭同叔子為質。而使齊之

鍾伯敬曰善敗者不
亂韓友一曰齊未可
滅此殊為生色

封內。盡東其畝。對曰。蕭同叔子。非他寡君之母也。若
中肯。以匹敵。則亦晉君之母也。吾子布。大命於諸侯。而曰
必質其母。以爲信。其若王命何。且是以不孝令也。詩
曰。孝子不匱。永錫爾類。若以不孝令於諸侯。其母乃
非德類也乎。先王疆理天下。物土之宜。而布之利。故
詩曰。我疆我理。南東其畝。而曰。盡東其畝而已。惟吾
子戎車。是利無顧土宜。其毋乃非先王之命也乎。反
先王。則不義。何以爲盟主。其晉實有闕。四王之王也。
樹德而濟。同欲焉。五伯之霸也。勤而撫之。以役王命。
今吾子求合諸侯。以逞無疆之欲。詩曰。布政優優。百
祿是道。子實不優。而棄百祿。諸侯何害焉。不然。寡君
之命。使臣則有辭矣。日子以君師辱於敝邑。不腆敝
賦。以犒從者。畏君之威。師徒撓敗。吾子惠徼齊國之
福。不泯其社稷。使繼舊好。惟是先君之敝器。土地不
敢愛。子又不許。請收合餘燼。背城借一。敝邑之幸。亦
云從也。况其不幸。敢不惟命是聽。魯衛諫曰。齊疾我
矣。其死亡者。皆親暱也。子若不許。讎我必甚。惟子則
又何求。子得其國寶。我亦得地。而紓於難。其榮多矣。

青照堂叢書

次編

左氏兵法上

四三

韓友一曰。齊雖敗。而
有氣。故其國不亡。又
曰。此必然之勢。國子
意中事耳。豈無所恃
而爲大言以欺人乎。

齊晉亦惟天所授。豈必晉。晉人許之。對曰。羣臣帥賦。與以爲魯衛請。若苟有以藉口。而復於寡君。君之惠也。敢不唯命是聽。禽鄭自師。逆公。秋七月。晉師及齊國。佐盟于袁婁。使齊人歸我汶陽之田。公會晉師于上鄆。賜三帥先路三命之服。司馬。司空。輿帥。侯。正。亞。旅。皆受一命之服。

宣公使求好於楚。莊王卒。宣公薨。不克作好。公卽位。受盟於晉。會晉伐齊。衛人不行使於楚。而亦使受盟於晉。從於伐齊。故楚令尹子重爲陽橋之役。以救齊。

青照堂叢書

次編

左氏兵法上

四四

韓友一日。蔡桓之佑。先言用民。今外傳所載內政諸篇是也。晉文之伯。亦先言用兵。今內傳所載大蒐諸事是也。子重言用民謀國得不計矣。

將起師。子重曰。君弱羣臣不如先大夫師衆而後可。○師○克○在○和○

不○在○衆○然○用○衆○常○勝○之○道○也詩曰。濟濟多士。文王以寧。夫文王猶用衆。况吾濟乎。

且先君莊王屬之曰。無德以及遠。方莫如惠恤其民。○用○衆○之○道○

而善用之。乃大戶已責。逮鯀救乏赦罪。悉師王卒。盡行。彭名御戎。蔡景公爲左。許靈公爲右。二君弱。皆強。

冠之冬。楚師侵衛。遂侵我師於蜀。使臧孫往辭曰。楚

遠而久。固將退矣。無功而受名。臣不敢。楚侵及陽橋。

孟孫往賂之。以執斲。執鍼。織紵。皆百人。公衡爲質。以

請盟。楚人許平。十一月。公及楚公子嬰。齊蔡侯。許男。

秦右大夫說宋華元陳公孫寧衛孫良夫鄭公子去疾及齊國之大夫盟于蜀。卿不書。賈盟也。於是乎畏晉而竊與楚盟。故曰賈盟。蔡侯許男不書。乘楚車也。謂之失位。君子曰。位其不可不慎也乎。蔡許之君。一失其位。不得列於諸侯。況其下乎。詩曰。不解於位。民之攸暨。其是之謂矣。

楚師及宋。公衡逃歸。臧宣叔曰。衡父不忍數年之不宴。以弃魯國。國將若之何。誰居。後之人必有任是夫國。弃矣。是行也。晉辟楚。畏其衆也。君子曰。衆之不可。

青照堂叢書

次編

左氏兵法上

四十五

以已也。大夫爲政。猶以衆克。况明君而善用其衆乎。

太誓所謂商兆民離周十人同者衆也。

諸侯伐鄭。次于伯牛。討邲之役也。遂東侵鄭。鄭公子

偃帥師禦之。使東鄙覆諸鄭。敗諸邱輿。皇戍如楚獻

捷。

晉欒書救鄭。與楚師遇於繞角。楚師還。晉師遂侵蔡。

楚公子申。公子成。以申息之師救蔡。禦諸桑隧。趙同。

趙括欲戰。請於武子。武子將許之。知莊子。范文子。韓

獻子。諫曰。不可。吾來救鄭。楚師去我。吾遂至於此。是

韓友一曰老成謀國
每不合於少年高事
知進不知退之人正
不知持重者省多少
禍患武子若從或人
之言不幾爲鄭之役
耶

○兵○不○得○已○而○用○故○遷○戮○者○不○必○勝○
○遷○戮○也○戮○而○不○已○又○怒○楚○師○戰○必○不○克○雖○克○不○令○成○
○當○與○荀○藩○城○小○而○固○勝○之○不○武○弗○勝○爲○
○師○以○出○而○敗○楚○之○二○縣○何○榮○之○有○焉○若○不○能○敗○爲○辱○
○笑○意○參○看○
○已○甚○不○如○還○也○乃○遂○還○於○是○軍○帥○之○欲○戰○者○衆○或○謂○
○藥○武○子○曰○聖○人○與○衆○同○欲○是○以○濟○事○子○盍○從○衆○子○爲○
○大○政○將○酌○於○民○者○也○子○之○佐○十○一○人○其○不○欲○戰○者○三○
○人○而○已○欲○戰○者○可○謂○衆○矣○商○書○曰○三○人○占○從○二○人○衆○
○故○也○武○子○曰○善○鈞○從○衆○夫○善○衆○之○主○也○三○卿○爲○主○可○
○謂○衆○矣○從○之○不○亦○可○乎○

八年
晉藥書侵蔡遂侵楚獲申驪楚師之還也晉侵沈獲

青照堂叢書 次編 左氏兵法上 吳

沈子揖初從知范韓也君子曰從善如流宜哉詩曰
○體○悌○君○子○還○不○作○人○求○善○也○作○人○斯○有○功○績○矣○是○行○
○也○鄭○伯○將○會○晉○師○門○于○許○東○門○大○獲○焉○

九年
鄭伯如晉晉人討其貳於楚也執諸銅鞮藥書伐鄭

鄭人使伯蠲行成晉人殺之非禮也兵交使在其間

可也楚子重侵陳以救鄭

十三年
秦桓公既與晉厲公爲令狐之盟而又召狄與楚欲

道以伐晉諸侯是以睦於晉晉藥書將中軍荀庚佐

之士夔將上軍卻錡佐之韓厥將下軍荀營佐之趙

韓友一曰背盟固利
未有成者其幸成惟
朱三耳而身屠子滅
同于羊豕故申叔之
言著蔡也

勝不可恃吳子曰將
之所慎者五日理曰
備曰果曰戒曰約理
者治眾如治寡備者
出門如見敵果者臨
敵不懷生戒者雖克
如始戰約者法令省
而不煩

旃將新軍。卻至佐之。卻毅御戎。欒鍼為右。孟獻子曰。
○所○謂○上○下○同○欲○晉帥乘和師。必有大功。五月丁亥。晉侯以諸侯之師。
及秦師戰于麻隧。秦師敗績。獲秦成差及不更女父。
曹宣公卒于師。師遂濟涇。及侯麗而還。迂晉侯于新
楚。

十五年

楚將北師。子囊曰。新與晉盟而背之。無乃不可乎。子
反曰。敵利則進。何盟之有。申叔時老矣。在申聞之曰。
子反必不免。信以守禮。禮以庇身。信禮之亡。欲免得
乎。楚子侵鄭。及暴隧。遂侵衛。及首止。鄭子罕侵楚。取

青照堂叢書

次編

左氏兵法上

四七

新石。欒武子欲報楚。韓獻子曰。無庸使重其罪。民將
叛之。無民孰戰。

十六年

鄭子罕伐宋。宋將鉏樂懼。敗諸洧。退舍於夫渠。不
傲。鄭人覆之。敗諸洧。陵獲將鉏樂懼。宋恃勝也。

晉侯將伐鄭。范文子曰。若逞吾願。諸侯皆叛。晉可以
逞。若惟鄭叛。晉國之憂。可立俟也。欒武子曰。不可以
當吾世而失諸侯。必伐鄭。乃興師。欒書將中軍。士燮
佐之。卻錡將上軍。荀偃佐之。韓厥將下軍。卻至佐新
軍。荀偃居守。卻犖如衛。遂如齊。皆乞師焉。欒黶來乞

行師之本言兵者互
有詳畧要者可也

韓友一日兩軍之勝
敗必先有人知之而
卒至勝者勝敗者敗
明者明却而明陷之
不能用賢與察言也

師孟獻子曰有勝矣。戊寅晉師起。鄭人聞有晉師。使
告于楚。姚句耳與往。楚子救鄭。司馬將中軍。令尹將
左右。尹子辛將右。過申。子反入見申叔時。曰。師其何
如。對曰。德刑詳義。禮信戰之器也。德以施惠。刑以正
邪。詳以事神。義以建利。禮以順時。信以守物。民生厚
而德正。用利而事節。時順而物成。上下和睦。周旋不
逆。求無不具。各知其極。故詩曰。立我烝民。莫匪爾極。
是以神降之福。時無災害。民生敦龐。和同以聽。莫不
盡力。以從上命。致死以補其闕。此戰之所由克也。今

青照堂叢書

次編 左氏兵法上

聖

楚內棄其民而外絕其好。瀆齊盟而食語言。奸時以
動而疲民。以逞民不知信。進退罪也。人恤所底。其誰
致死。子其勉之。吾不復見子矣。姚句耳先歸。子駟問
焉。對曰。其行速過險而不整。速則失志。不整喪列。志
失列喪。將何以戰。楚懼不可用也。五月晉師濟河。聞
楚師將至。范文子欲反。曰。我僞逃楚。可以紓憂。夫合
諸侯非吾所能也。以遺能者。我若羣臣輯睦。以事君
多矣。武子曰。不可。六月。晉楚遇於鄢陵。范文子不欲
戰。卻至。口韓之戰。惠公不振。放箕之役。先軫不反。命

鍾伯敬曰深遠之見
詹智勇一字庸於謀
國之甚

鐵友一口書之所言
與句之所陳絕不相
同句乃少年英武之
謀善乃老成持重之
策皆兵法也要領非
支子之心

邲之師。荀伯不復從。皆晉之恥也。子亦見先君之事

矣。今我避楚。又益恥也。文子曰。吾先君之亟戰也有

故。秦狄齊楚皆疆。不盡力。子孫將弱。今三疆服矣。敵

楚而已。惟聖人能外內無患。自非聖人。外寧必有內

憂。盍釋楚以爲外懼乎。甲午晦。楚晨壓晉軍。而陳軍

吏患之。范匄趨進曰。塞井夷竈。陳於軍中。而疏行首

晉。楚惟天所授。何患焉。文子執戈逐之曰。國之存亡

天也。童子何知焉。欒書曰。楚師輕窵。固壘而待之。三

日。必退。退而擊之。必獲勝焉。卻至曰。楚有六間。不可

失也。其二。卿相惡。王卒以舊。鄭陳而不整。蠻軍而不

陳。陳不違晦。在陳而躡合。而加躡。各顧其後。莫有鬪

心。以犯天忌。我必克之。楚子登巢車。以望晉軍。子重

使大宰伯州犂侍於王。後王曰。騁而左右何也。曰。召

軍吏也。皆聚於中軍矣。曰。合謀也。張幕矣。曰。度卜於

先君也。徹幕矣。曰。將發命也。甚躡且塵上矣。曰。將塞

井夷竈而爲行也。皆乘矣。左右執兵而下矣。曰。聽誓

也。戰乎。曰。未可知也。乘而左右皆下矣。曰。戰禱也。伯

州犂以公卒告王。苗賁皇在晉侯之側。亦以王卒告

將戰情事借敘如見

青照堂叢書

次編

左氏兵法上

四九

國士爲人用最是外
患李陵之卒敗一管
敢能陰害之况若舉
容垂等之在敵國哉

此○謂○已○國○之○士○
皆曰國士在且厚不可當也。苗賁皇言於晉侯曰。楚
之良在其中軍。王族而已。請分良以擊其左右。而三
軍萃於王卒。必大敗矣。公筮之。史曰吉。其卦遇復。曰
南國蹇。射其元王。中厥目。國蹇。王傷。不敗。何待。公從
之。有淖於前。乃皆左右相違於淖。步毅御晉厲公。欒
鍼爲右。彭名御楚共王。潘黨爲右。石首御鄭成公。唐
苟爲右。欒范以其族夾公行。陷於淖。欒書將載晉侯。
鍼曰。書退。國有大任焉。得專之。且侵官。言也。失官。慢
也。離局。姦也。有三罪焉。不可犯也。乃掀公以出於淖。

青照堂叢書

次編

左氏兵法上

辛

癸巳。潘廕之黨與。養由基。騰甲而射之。徹七札焉。以
示王曰。君有二臣如此。何憂於戰。王怒曰。大辱國。詰
朝。爾射死。藝呂錡。夢射月中之。退入於泥。占之曰。姬
姓日也。異姓月也。必楚王也。射而中之。退入於泥。亦
必死矣。及戰。射共王中目。王召養由基。與之兩矢。使
射呂錡。中項伏弢。以一矢復命。卻至三遇。楚子之卒。
見楚子。必下免胄。而趨風。楚子使工尹襄問之。以弓
曰。方事之殷也。有韎韋之跗注。君子也。識見不毅。而
趨。無乃傷乎。卻至見容。免胄承命曰。君之外臣至。從

識友。一曰古來軍旅
之中。每多雍容。擢途
之事。故國賊而不乘
人于危。怨可報。而不
薄人于險。而軍相敵
之時。必有君臣之分
可爲也。

司馬法曰一人投命
足懼千夫始戰常以
一人爭勝既戰亦當
以一人救敗當知

鍾伯敬曰整暇二字
治兵之道無復易此
因思春秋每有交戰
戎馬間從容辭台有
禮有言無非示整示
暇正是威敵之意

寡君之戎事以君之靈間蒙甲冑不敢拜命敢告不
寧君命之辱為事之故敢肅使者三肅使者而退晉
韓厥從鄭伯其御杜溷羅曰速從之其御屢顧不在
馬可及也韓厥曰不可以再辱國君乃止卻至從鄭
伯其右蒯翰胡曰謀略之余從之乘而俘以下卻至
日傷國君有刑亦止石首曰衛懿公惟不去其旗是
以敗於熒乃內旌於轍中唐苟謂石首曰子在君側
敗者壹大我不如子子以君免我請止乃死楚師薄
於險叔山冉謂養由基曰雖君有命為國故子必射

青照堂書 次編 左氏兵法上

乃射再發盡殪叔山冉搏人以投中車折軾晉師乃
止囚楚公子茂藥鍼見子重之旌請曰楚人謂夫旌
子重之麾也彼其子重也日臣之使於楚也子重問
晉國之勇臣對曰好以衆整日又何如臣對曰好以
暇今兩國治戎行人不使不可謂整臨事而食言不
可謂暇請攝飲焉公許之使行人執榼承飲造於子
重日寡君之使使鍼御持矛是以不得犒從者使某
攝飲子重日夫子嘗與吾言於楚必是故也不亦識
乎受而飲之免使者而復鼓且而戰見星未已子反

亦見也

○司○馬○法○所○謂○軍○旅○以○紜○為○主○又○
○日○凡○戰○之○道○位○欲○嚴○政○欲○栗○力○欲○死○氣○欲○開○心○欲○
○○豈○有○○敵○人○○羊○○叔○子○○哉○亦○有○○意○示○整○暇○也

此亦足患。敗。固。可。振。也。

命軍吏察夷傷補卒乘繕甲兵展車馬雞鳴而食惟命是聽晉人患之苗賁皇徇曰蒐乘補卒秣馬利兵修陳固列蓐食申禱明日復戰乃逸楚囚王聞之召

此則自誤

子反謀穀陽豎獻飲於子反子反醉而不能見王曰

天敗楚也夫余不可以待乃宵遁晉入楚軍三日穀

范文子立於戎馬之前曰君幼諸臣不佞何以及此

君其戒之周書曰惟命不于常有德之謂楚師還及

瑕王使謂子反曰先大夫之覆師徒者君不在子無

以為過不穀之罪也子反再拜稽首曰君賜臣死死

青照堂叢書

次編

左氏兵法上

五三

且不朽臣之卒實奔臣之罪也子重使謂子反曰初隕師徒者而亦聞之矣盍圖之對曰雖微先大夫有之大夫命側側敢不義側亡君師敢忘其死王使止之弗及而卒

韓友一日文子之心獨苦至此乃蓋復無聊諸公所見在目前而文子乃獨立高岡之上也



07183

